

北斗七星念诵仪轨 1 卷

No. 1305

北斗七星念诵仪轨

南天竺国三藏金刚智译

尔时如来为末世薄福一切众生故。说真言教法。时一切日月星宿。皆悉云集前后围绕。异口同音白言。唯愿如来而为我等说于神呪。于时世尊说八星呪曰。

ॐ(om)	𑖀(sa)	𑖡(pta)	𑖄(ji)	𑖆(na)	𑖈
(ya)	𑖊(bha)	𑖌(rja)	𑖎(vi)	𑖐(ja)	𑖒
(ya)					
唵	飒	踰	而	曩	野
𑖔(jam)	𑖖(pū)	𑖘(tha)	𑖚(ma)	𑖜(sva)	
𑖞(mi)	𑖠(na)	𑖢(ra)	𑖤(kṣam)		
染	普	他	摩	娑嚩(二合)	弭
					曩
					嚩
					乞山(二合)
𑖔(bha)	𑖖(va)	𑖘(tu)	𑖚(svā)	𑖜(hā)	
婆	嚩	都	莎	呵	

其印明出金刚顶经七星品。

佛告贪狼破军等言。若有善男子善女人。受持是神呪拥护否。于时八女白世尊言。若有人每日诵此神呪。决定罪业皆悉除灭。成就一切愿求。设复有人。若能每日诵此神呪一百八遍。即得自身及一切眷属拥护。若能诵五百遍。大威神力。五百由旬内。普皆围绕。一切魔王及诸魔众。一切障者无量

恶鬼。不敢亲近。常当拥护。北斗八女一切日月星宿诸天龙药叉。能作障难者一时断坏。若人欲供养者。先发拔济心。于清净寂静之处。以香华饮食供养。持念神呪结印契。如是供养时。八女及一切眷属。现身随意奉仕。成就无量愿求。惹位即得。何况世间少少官位荣耀。若求寿命削定业籍。还付生籍。若诸国王王子大臣后宫等。于自宫中作曼荼罗。如法护摩礼拜供养。北斗八女皆大欢喜。故久居胜位恒常受安乐。百官上下和穆不行非法。人民炽盛稼穡丰饶。国土安宁无有灾难不现异怪。疫病死亡不起。境内怨敌群贼自然退散。故以是法甚为秘密。不信者及无智人中勿妄宣传。无智人不分明心故。不得法意生疑谤。虽无智人金刚生金刚子等。常诵持佛眼母明者当宣传。金刚子虽无智不生疑谤故成就法。行者虽乐世间乐。深回向无上正等菩提。

---

**【经文信息】** 大正藏第 21 册 No. 1305 北斗七星念诵仪轨

**【版本记录】** CBETA 电子佛典 Rev. 1.8 (Big5), 完成日期: 2009/04/23

**【编辑说明】** 本数据库由中华电子佛典协会 (CBETA) 依大正藏所编辑

**【原始数据】** 萧镇国大德提供, 北美某大德提供

**【其他事项】** 本数据库可自由免费流通, 详细内容请参阅 **【中华电子佛典协会数据库版权宣告】**

---